



UNIVERSITÄTS-
BIBLIOTHEK
PADERBORN

Praxis Episcopalis

Piasecki, Paweł

Coloniae Agrippinae, 1620

De Consecratione Oleorum.

[urn:nbn:de:hbz:466:1-61608](https://nbn-resolving.org/urn:nbn:de:hbz:466:1-61608)

um propter periculū reconfirmationis.

Patrinus debet habere confirmandus, qui patrinus contrahit affinitatem, æquè ut per susceptionem ex Baptismo. Conc. Trid. cit. sess. 24 de ref. matr. cap. 2. in fin.

Et Patrinus debet esse confirmatus. c. n. baptisate. dist. 4. de consecratione

nec contraheret affinitatem si non esset ipse confirmatus. Angel. loc. cit. num. 11. Debet etiam esse alius quam ille qui fuit in Baptismo, nisi necessitas cogat. cap. in Catechismo. dist. cit. Monachus item vel Abbas compater fieri prohibetur. c. non licet. cap. monachi. dist. cit. cap. placuit. 16. quest. 1. cap. peruenit. 18. q. 2.


ARTICVLVS III. De Consecratione Oleorum.

1 Oleorum SS. diuersitas.

2 Oleorum SS. vsus.

3 Olea SS. non possunt consecrari nisi per Episcopum.

4 Olea SS. non consecrantur nisi die Cæna Domini.

7.  **O**leum Sanctum sub trina diuersitate consecratur. Aliud quod vocatur chrisma ex oleo oliuarum & balsamo, cuius mixturæ mysterium explicatur. cap. vn. de sac. vnct. Hoc vnguntur Baptizati in vertice & fronte: item Ecclesiæ, Altaria, calix, patena, fons Baptismalis, Episcopus dum consecratur in capite & in manibus, & confirmandi. Aliud dicitur oleum Carhecumenorum, ex oleo oliuarū solo, hoc vnguntur baptizati inter scapulas, & in pectore: item Ecclesia, Altare ante chrisimationem, item Sacerdotis manus, Reges & Principes in brachio & humero. Tertium est oleum infirmorum, quo vnguntur infirmi ex prima institutione Ecclesiæ, de qua in Epistola can. B. Iacobi Apost. Infirmatur quis ex vobis, inducat presbyteros Ecclesiæ & orent super eū vngentes eum oleo. &c.
2. Hæc itaque Olea Sacra à solo Episcopo consecrantur. cap. si quis. cit. dist. 4. de consecr. & singulis annis consecrari

debent. cap. omni tempore. dist. cit. & iterum singulis annis ad omnes Ecclesias Parochiales per Præsbyterum vel Subdiaconum saltem, sub sigillo & decenti cultu deferenda sunt, vetera verò cremanda: nec aliunde peti debent nisi à proprio Episcopo. cap. Præsbyteri. 95. dist.

Consecranda autem sunt solo die Cæna Domini. cap. literis. dist. 3. de consecr. & in missa. cap. te referente. de celeb. Miss. vbi gl. v. sipontina. quærit verū missa sit de substantia huius consecrationis, sed tenendum est missam esse de necessitate præcepti, non de necessitate Sacramenti, ut de ordinibus diximus.

Salutationum & aliarum Ceremoniarum quæ in consecratione oleorum adhibentur, reddit rationem Guil. Duran. in suo rationali Diuinorum.

lib. 6. c. 74.

(::)

X 3

ARTI